



South West and Mid Wales Consortium Consortium De-orllewin a Chanolbarth Cymru

Bwletin 3

Mai 2008

Gweithio Consortiwm - Cynnydd wrth roi'r Cynllun Strategol Interim ar waith

Fframwaith Effeithiolrwydd Ysgolion

Lansiwyd y Fframwaith Effeithiolrwydd Ysgolion mewn mwy o fanylder ym mis Mawrth gan LICC mewn cyfres o bedair cynhadledd ranbarthol yn seiliedig ar yr ADEW (Cymdeithas Cyfarwyddwyr Addysg Cymru) Consortia Cymru. Cynhaliwyd y lansiad ar gyfer rhanbarth y de-orllewin a'r canolbarth ar Faes y Sioe, Llanelwedd ar 6 Mawrth. Gwahoddwyd yr holl benaethiaid yno, ac roedd cynrychiolwyr o bob cyfnod wedi cymryd rhan, yn ogystal â gweithwyr proffesiynol yr Awdurdodau Lleol ar gyfer gwella ysgolion.

Cyflwynwyd a chadeiriwyd y cwrs gan Richard Parry, Cyfarwyddwr Addysg Abertawe. Roedd siaradwyr ar gyfer y sesiynau bore yn cynnwys Yr Athro David Egan, Athrofa Prifysgol Cymru, Caerdydd; Steve Marshall, Cyfarwyddwr APADGOS (DCELLS), a Jane Hutt AC, Gweinidog dros Blant, Addysg, Dysgu Gydol Oes a Sgiliau. Cafwyd cyflwyniad poblogaidd ar rôl awdurdodau lleol mewn effeithiolrwydd ysgolion gan Gareth Jones, Cyfarwyddwr Addysg Ceredigion. Yn anffodus, o ganlyniad i rai anawsterau technegol ac anawsterau eraill yn y broses gyfieithu, collodd rhai pobl ran o'r cyflwyniad ac felly, mae'r cyflwyniad a'r nodiadau ar gael ar wefan swamwac www.swamwac.org. Cafwyd cyflwyniad ardderchog gan bobl ifanc Ysgol Gyfun Glan Afan, Port Talbot a oedd wedi sicrhau ffocws ar ganlyniadau i blant a phobl ifanc, a darparwyd gwybodaeth gefndir ddefnyddiol gan Mike Griffiths ac Andy Henderson, penaeithiaid a ryddhawyd ar secondiad i weithio gyda LICC ar y FfEY (SEF),

Cynhaliwyd cyfres o sesiynau grŵp yn y prynhawn a oedd yn canolbwyntio ar faterion allweddol mewn mwy o fanylder, ac yn y cyfarfod llawn olaf, ymunodd Elizabeth Taylor, APADGOS gyda siaradwyr y bore.

Mae'r Fframwaith Effeithiolrwydd Ysgolion yn gosod cynigion ar gyfer dau fath o weithredu peilot. Bydd dau ranbarth yn cynnal peilot o'r ymagwedd Pennaeth Cyswllt fel yr amlinellwyd yn nogfen y FfEY. Bydd y ddau ranbarth arall sydd ar ôl. gan gynnwys swamwac, yn datblygu cynigion gweithredu peilot ar wahân, i'w hystyried gan LICC.

Er mwyn datblygu'r cynnig peilot, sefydlwyd Grŵp Gorchwyl a Gorffen newydd, a chynhaliwyd y cyfarfod cyntaf ar 19 Mawrth 2008. Mae'r grŵp yn cynnwys penaeithiaid a gweithwyr proffesiynol yr awdurdod lleol ar gyfer gwella ysgolion. Bydd manylion cyswllt ar gael cyn bo hir ar wefan swamwac a bydd aelodau'r grŵp yn croesawu eich barn neu gallwch fynegi barn drwy anfon e-bost at admin@swamwac.org. Marciwch eich e-bost yn glir at sylw'r Grŵp FfEY.

Grŵp Pontio

Mae'r Grŵp Pontio yn gweithio ar ddatblygiad astudiaeth achos ac mae aelodau ar hyn o bryd yn ymweld ag ysgolion ar draws y consortiwm gan geisio coladu'r wybodaeth ar gyfer llyfryn arfaethedig a gwybodaeth ar y we.. Maent yn gobeithio cwblhau hyn erbyn dechrau mis Mai. Mae'r grŵp wedi derbyn copi o'r protocol drafft ar gyfer rhoi gwaith a ddatblygir ar y cyd, astudiaethau achos a gwybodaeth ynghylch arfer da arall ar wefan swamwac a bydd yn gweithredu fel 'peilot' ar gyfer y protocol hwn.

Dylai grwpiau eraill sy'n datblygu ac/neu a fyddai'n dymuno gweld ôl astudiaethau achos a gwybodaeth ar arfer da ar wefan swamwac, neu ddarparu dolenni i wybodaeth ddefnyddiol arall, e-bostio admin@swamwac.org a dylent ystyried y protocol ar www.swamwac.org.

Cynlluniau Plant a Phobl Ifanc

Y Partneriaethau Plant a Phobl Ifanc sydd ar hyn o bryd yn ceisio ymatebion i'r ymgynghori ar eu Cynlluniau Plant a Phobl Ifanc yw:

Abertawe

www.cypswansea.co.uk

Mae angen ymateb erbyn: 31/05/08

Castell-nedd Port Talbot

www.npt.gov.uk/childrenandyoungpeople

Mae angen ymateb erbyn: 30/06/08

Sir Benfro

http://www.pembrokeshire.gov.uk/content.asp?nav=154,988&parent_directory_id=101&id=14677&Language=

Mae angen ymateb erbyn: 09/06/08

Mae Asesu Anghenion **Ceredigion** ar gael yn www.ceredigion2020.org.uk, a bydd eu cynllun yn dilyn maes o law.

Powys a Sir Gaerfyrddin Mae Partneriaethau Plant a Phobl Ifanc wedi cwblhau eu hymgyngoriadau, ac maent yn y broses o ddiweddarau eu cynlluniau drafft yn sgil yr ymatebion a dderbyniwyd.

Cynlluniau Peilot Athrawon Siartredig

- Cychwynnodd y modiwl craidd peilot ar Hunanwerthuso, Myfyrio a Datblygiad Personol ym mis Chwefror 2008, gyda'r olaf o'r sesiynau dysgu wedi'i chwblhau'n ddiweddar.
- Bydd cyfranogwyr bellach yn gweithio tuag at gwblhau eu Portffolio Arwain a Dysgu, y bydd eu cynnwys yn ffurfio canolbwynt trafodaeth strwythuredig gyda thiworiaid cwrs, yn seiliedig ar yr ysgol.
- Bydd achrediad y modiwl yn cael ei gwblhau drwy Goleg y Drindod, Caerfyrddin.
- Mae cynnig y Consortium i gyflawni peilot o ail fodiwl – Arwain y Dysgu – wedi'i dderbyn a bydd y modiwl dwyieithog hwn yn cael ei gynnal rhwng Hydref 2008 a Chwefror 2009. Anogir athrawon cymwys o awdurdodau swamwac i ymgeisio, a dylai unrhyw un â diddordeb gysylltu â Maria Boex yn CDCC (GTCW), e-bost maria.boex@gtcw.org
- Gellir cael manylion pellach am raglen yr Athrawon Siartredig ar wefan y CDCC yn <http://www.gtcw.org.uk/welcome.html>
- Bwriedir integreiddio'r Modiwl Craidd Hunanwerthuso, Myfyrio a Datblygiad Personol i raglen arweinydd canol swamwac sy'n cael ei dylunio a'i datblygu gan Grŵp Gorchwyl a Gorffen yr Arweinydd Canol

Cynhadledd 14-19

Ar ddydd Mercher, 6 Chwefror 2008, trefnwyd a chynhaliwyd Cynhadledd Rwydwaith lwyddiannus gan gyd-lynwyr 14-19 swamwac, a nod y gynhadledd oedd rhannu arfer da ledled Cymru.

Cynhaliwyd y digwyddiad yng Ngwesty'r Metropole, Llandrindod. Roedd cynrychiolwyr o bron pob Rhwydwaith 14-19 yn bresennol, ynghyd â swyddogion LICC. Ariannwyd y digwyddiad gan LICC. Mae'r adborth wedi bod yn gadarnhaol iawn, gyda cheisiadau i gynnal digwyddiad arall y flwyddyn nesaf. Y nod oedd i :

- Rannu arfer gan Rwydweithiau ledled Cymru.
- Datblygu ymagwedd fwy cydweithredol at weithio gyda'i gilydd o fewn ac ar draws rhanbarthau.
- Datblygu ymagwedd fwy strategol at gynllunio yn y dyfodol.

Cynigiwyd amrywiaeth o weithdai lle'r oedd llawer yn bresennol, gan gynnwys:

- **Datblygu Canolfan Rhagoriaeth E-ddysgu ar gyfer cydweithredu**
Cyfranwyr: Rhwydwaith Gwynedd ac Ynys Môn.
- **Arolygiad Ardal 14-19 – persbectif enwebai**
Cyfranwr: Rhwydwaith Wrecsam
- **Profiad Gwaith V Profiad sy'n canolbwyntio ar waith**
Cyfranwyr: Rhwydwaith Bro Morgannwg a Gyrfa Cymru'r Gorllewin.
- **Monitro eich Cynllun Datblygu Rhwydwaith Blynyddol (ANDP)– ymagwedd ymarferol**
Cyfranwyr: Rhwydwaith Powys.

Newyddion...Newyddion...Newyddion...

Ariannu Parhad

Mae cynnydd yn digwydd ar ein cais i gronfa Creu'r Cysylltiadau Llywodraeth Cynulliad Cymru am barhad yn yr ariannu i ddatblygu gweithio consortiwm ymhellach. Bu cyfarfod gyda Llywodraeth Cynulliad Cymru i wneud manylion y cais yn glir ym mis Chwefror, 2008 a gobeithiwn ddod i wybod y canlyniad yn fuan.

Arian Cronfa Gymdeithasol Ewrop (ESF) ar gyfer rhanbarth gorllewin Cymru a datblygiad Partneriaeth Dysgu Rhanbarthol arfaethedig ar gyfer de-orllewin Cymru

Roedd bwletin 2 yn cynnwys y cefndir i'r cynnig i ddatblygu Partneriaeth Dysgu Rhanbarthol ar gyfer de-orllewin Cymru gyda gorchwyl i 'sicrhau bod darparwyr dysgu a ariennir yn gyhoeddus a sefydliadau cysylltiedig yn gweithio'n gydweithredol ac yn effeithlon i fodloni anghenion galw dysgwyr a'r economi ranbarthol yn Ne orllewin Cymru'. Yn dilyn trafodaethau, roedd Cyfarwyddwyr a Grwpiau Strategol wedi cefnogi datblygiad pellach y cynigion, gan ganolbwyntio yn y lle cyntaf, er nid yn unig ar hyn, ar Oedolion yn Parhau i Ddysgu.

Cynhaliwyd Gweithdy ar gyfer yr holl bartneriaid arfaethedig ar 20 Chwefror, 2008 fel parhad o'r sesiwn gyntaf ym mis Medi 2007 ac i roi'r diwedd araf i'r holl bartneriaid am gynnydd cysyniad y PDRh. Roedd llawer yn bresennol yn y gweithdy (oddeutu 50 o gynrychiolwyr) o Lywodraeth Leol, AB, AU, dysgu seiliedig ar waith, a'r sector gwirfoddol. Roedd y gweithdai'n canolbwyntio ar yr hyn y mae sectorau'n gobeithio'i gael gan y PDRh a'r hyn y gallent gyfrannu, yn ogystal â heriau a ffyrdd o fodloni'r heriau. Daeth y gweithdy i ben gyda chefnogaeth gyffredinol y cyfeiriad cyfredol, a pharodrwydd i barhau i gefnogi'r datblygiad. Mae cefnogaeth gychwynnol gan LICC wedi'i derbyn.

Ceir Ffurflen Wybodaeth am y Prosiect ar wefan y WEFO a'r cam nesaf yw datblygu Datganiadau o Ddiddordeb. Gellir cael gwybodaeth bellach ar ddatblygiad y ceisiadau am arian, a Ffurflenni Cychwyn Prosiect ar gyfer pob prosiect (o dan dderbyniadau datblygu) ar wefan y WEFO yn

<http://www.wefo.wales.gov.uk>

Y Diwedd araf am y Gwefannau

Mae adolygiad o'r wefan eisoes wedi cychwyn, gan ganiatáu cyfle i bostio arfer a rennir a dogfennau i ateb ceisiadau gan grwpiau. Mae'r protocol drafft ar gyfer rhoi gwaith a ddatblygwyd ar y cyd, astudiaethau achos a gwybodaeth ar arfer da arall wedi'i ddatblygu ar wefan swamwac, ac mae ar gael ar wefan swamwac neu drwy e-bost gan admin@swamwac.org.

Rydym yn bwriadu gwneud y wefan hon yn adnodd defnyddiol, ac os oes gennych unrhyw ddolenni neu erthyglau a fyddai, yn eich tyb chi, yn ddefnyddiol i eraill, yna rhowch wybod i ni drwy anfon e-bost at admin@swamwac.org

CALLU

Ar 18 Chwefror 2008 cyflwynwyd tystysgrifau i ymgeiswyr llwyddiannus carfan 2007. Llongyfarchiadau i'r cydweithwyr hynny ar eu llwyddiant.

Ceisir ceisiadau ar gyfer y rownd nesaf ym mis Medi 2008. Dylai unrhyw un sydd â diddordeb gysylltu â swyddog arweiniol eu hawdurdod lleol. Gellir cael hyd i enwau swyddogion arweiniol o dan ardal waith CALLU ar wefan swamwac yn www.swamwac.org/cpd/hlta.asp

Ceir manylion am wybodaeth gais y llynedd hefyd ar eu gwefan, a disgwylir y bydd y broses eleni yn debyg. Dylai unrhyw un sydd â diddordeb nodi y bydd angen iddynt ddangos bod ganddynt gymhwyster mewn Llenyddiaeth Gymraeg neu Saesneg a lefel 2 mathemateg/rhifedd y Fframwaith Cymwysterau Cenedlaethol (NQF), sydd gywerth â TGAU A - C neu uwch, a rhaid bod ganddynt dystiolaeth o'u cymwysterau.

Adolygiadau staffio ysgol pellach

Erbyn 31 Mawrth 2006 roedd yn orfodol i bob ysgol yn ôl y gyfraith gynnal adolygiad strwythur staffio ysgol a chytuno'n ffurfiol ar strwythur a chynllun staffio i'w rhoi ar waith. Fel y gwyr pob ysgol mae'n rhaid i'r strwythur staffio y cytunwyd arno fod yn ei le yn gyflawn erbyn 1 Ionawr 2009.

Mae peth amser wedi bod ers i'r adolygiadau gael eu cynnal, ac mae llawer o ysgolion wedi datblygu neu newid yn sylweddol ers iddynt gytuno ar eu strwythurau staffio, ac o ganlyniad i hyn, nid yw'r strwythurau bellach yn addas nac/neu'n gynaliadwy.

Mae Grŵp AD/Ailfodelu'r Gweithlu swamwac wedi datblygu canllaw wedi'i ddiweddarau a llythyrâu enghreifftiol i fynd gyda hwn i gefnogi ysgolion sydd am gynnal adolygiad strwythur staffio pellach, a gellir cael hyd i'r rhain ar wefan y consortiwm www.swamwac.org

Dylai ysgolion gysylltu â'u Swyddog AD/Ailfodelu'r Gweithlu am gyngor mwy manwl a chefnogaeth wrth gynnal adolygiad staffio neu wrth roi'r strwythurau y cytunwyd arnynt ar waith.

RHAGORI

Ymddeolodd Val Scurlock a fu'n cydlynu cefnogaeth RHAGORI swamwac dros y flwyddyn ddiwethaf ddiwedd mis Mawrth 2008. Rydym yn dymuno'n dda iddi ac yn diolch iddi am ei gwaith.

Mae David Brunton wedi derbyn y dyletswyddau a gyflawnwyd yn flaenorol gan Val, gyda chymorth Sue Davies, pennaeth cynradd sydd wedi'i rhyddhau o Ysgol Tirdeunaw ar secondiad. Mae cynllun gweithredu y cytunwyd arno eisoes yn ei le, ac mae ymweliadau dysgu, cefnogaeth i ymgynghoriaeth cyfoedion a gweithdai hanner diwrnod a gynhelir gan yr AALL wedi'u cynllunio ar gyfer pob ysgol RHAGORI. Bydd angen Cynlluniau Gweithredu Ysgol newydd ar gyfer blwyddyn 3, a darperir canllawiau i gefnogi ysgolion.

Cynrychiolydd swamwac ar grŵp llywio RHAGORI yw Graham Longster, Sir Benfro.

Amserlen Ddigwyddiadau Gweithio Consortiwm

Mae'r adran hon yn cynnwys digwyddiadau all fod o ddi-ddordeb. Rydym yn bwriadu diweddarau'r amserlen ddigwyddiadau'n rheolaidd, felly, os ydych yn cynnal unrhyw ddigwyddiadau yr hoffech iddynt fod ar gael i gydweithwyr ledled awdurdodau swamwac, rhowch wybod i ni, a byddwn yn rhoi cyhoedduswydd iddynt ym mwletinau'r dyfodol ac/neu ar y wefan.

Fel y gwelwch, ceir nifer o ddigwyddiadau pwysig yn ystod y misoedd nesaf ac felly, er mwyn mwyafu'r buddion i bawb, byddai'n ddefnyddiol pe bai unrhyw un sy'n ystyried trefnu digwyddiad gwaith consortiwm gysylltu â admin@swamwac.org er mwyn sicrhau nad yw dyddiadau allweddol yn gwrthdaro.

Digwyddiadau gweithio consortiwm– 2008

Teitl	Dyddiad /Amser	Lleoliad	Cynulleidfa	Cyfeiriad Cyswllt
Rhaglen beilot Dal i fyny Rhifedd	23 Medi	Y Llwyfan, Caerfyrddin a Gerddi Botaneg Cenedlaethol Llanarthne	Ysgolion a enwebir gan yr Awdurdod Lleol	admin@swamwac.org
Athrawon yn dysgu – Newid rolau er mwyn gwella perfformiad disgyblion	16 Mehefin 2008 9.00 i 3.30	Gwesty Blancos Port Talbot	Cwrs byr yw hwn a drefnir gan Gastell-nedd Port Talbot ac mae'n agored i athrawon CA 2/3 yn ysgolion swamwac	c.f.jones@neath-porttalbot.gov.uk
Cyflwyno'r Cwricwlwm newydd i ysgolion a rhannu adnoddau	Tymor yr Haf 2008 – dyddiad i'w drefnu			
Hyfforddi ASPECT ar Safonau Cenedlaethol ar gyfer Gwella Addysg	Tymor yr Haf 2008 – dyddiad i'w drefnu			
Asesu ar gyfer statws CALU	23 Ebrill –23 Mai 2008		Ymgeiswyr a ddewisir	admin@swamwac.org
Ailgylchu: Defnyddio sbwriel yn greadigol i greu gwaith celf cyffrous CA2-5	7 Tachwedd 2008	Neuadd y Frenhines Arberth	Athrawon CA2-5	

Digwyddiadau eraill a gefnogir gan weithio consortiwm

Teitl	Lleoliad	Venue	Cynulleidfa	Cyfeiriad Cyswllt
Cynhadledd Addysgeg Genedlaethol LICC	13,14,15 Mai 2008	Gwesty Holland House Caerdydd	Ysgolion o'r holl gyfnodau a enwebwyd gan yr Awdurdodau Lleol	admin@swamwac.org

Rhifau/Cyfeiriadau cyswllt

Swyddfa'r Consortiwm a Hwyluswyr

Gallwch gysylltu â swamwac ar [01267 245633](tel:01267245633) neu e-bostio admin@swamwac.org

Cadw mewn Cysylltiad

Byddwn yn anfon bwletinau'n rheolaidd i'ch cadw mewn cysylltiad â chynnydd a llwyddiannau yng ngwaith y consortiwm ac mae'r holl fwletinau hefyd ar gael ar wefan swamwac.

Byddai'n ddefnyddiol pe baech yn medru anfon y bwletinau ymlaen at unrhyw un a fyddai â diddordeb ynddynt, a'u gosod ar hysbysfyrdau staff yn eich ysgol neu'ch ardal waith.

Croesawn unrhyw sylwadau gennych ynghylch sut y mae gweithio consortiwm wedi'ch helpu chi, neu awgrymiadau am sut y gallai eich helpu yn y dyfodol. Os oes gennych unrhyw ddigwyddiadau yr hoffech iddynt fod ar gael i gydweithwyr ledled awdurdodau Swamwac, neu os oes gennych unrhyw arfer da yr hoffech ei rannu drwy'r wefan, yna anfonwch e-bost at admin@swamwac.org